



Izvršeni pretresi objekata u nastavku policijske akcije 'Nasljednik'

SIPA zaplijenila skoro osam kilograma droge

ISTOCNO SARAJEVO - U nastavku policijske akcije "Nasljednik" koju provodi **SIPA** u suradnji sa MUP-om Republike Srpske u pretresima stambenih i poslovnih objekata koje koristi S. L. zaplijenjeno je više od sedam kilograma marihuane.

Pretresi su obavljani na području Istočnog Sarajeva, a radi pronalaska predmeta koji se mogu dovesti u vezu sa počinjenjem kaznenog djela organizirani kriminal u vezi sa kaznenim djelom neovlašteni promet opojnim drogama.

Prilikom pretresa pronađeno je i privremeno oduzeo

7.835 grama marihuane kao i dva elektronska sklopa za putnička motorna vozila. Pretresi su izvršeni na osnovu usmene naredbe Suda Bosne i Hercegovine.

Ranije su u okviru ove akcije uhićeni i pritvoreni Stjepan Lazarević, zvani Braco, Bojan Segić zvani Debeli i Vlastimir Tomić zvani Šuker – Šuca.

U pretresima koji su izvršeni polovinom svibnja ove godine na području Pala, Istočnog Sarajeva, Prnjavora i Banje Luke oduzeto je oko osam kilograma marihuane, vozilo Škoda Fabia, digitalna vaga, tri kartonske kutije sa 42 pa-

kiranja težine od po kilogram praškaste materije "Agrostermin" koja ima upotrebu u poljoprivrednoj proizvodnji i koja je prokrijumčarena iz Srbije riječnim tokom. Zaplijenjeno je i 15 komada municije, pet lovačkih patrona, dvije male kašike sa tragovima nepoznate materije, oko kilogram nepoznate praškaste materije, mobilni telefoni, laptop, centralna računarska jedinica, skener, štampač, SIM kartice, nosači SIM kartica, pečati pravnih osoba, poslovna dokumentacija, bankovne kartice, fakture, osobni dokumenti, interne evidencije, bilješke i drugo.

